


PINIARNEQ 2022

AALLAANIARTUNUT PAASISSUTISSAT PISANILLU NALUNAARSUIFFIIT



EQQAAMAJUK!

**Pisatit kingusinnerpaamik oktobarip
15-iani nalunaarutigissagakkit.**

Tamanna kiisalu piniarnermut allagartamik nutaamik qin-
nuteqarneq imminut sullinnikkut www.sullissivik.gl-imi
imaluunniit kommunip sullissiviani pisinnaavoq

IMARSIORNERMI ISUMANNAALLISAANEQ



Nalunermik iinniart.



Aallanginninni silassaq sikullu pillugit nalunaarutit internetimi KNR-imilunniit misissukkit.



Atisat oqortut eqqaamakkit.




Annanniutit nassakkit.



Sumukarniarnerlutit tamatigut iisimatitsissutiguk. Taamaaliornikkut nassaariuminarnerussaait.



Ipunit orussamaatillu eqqaamakkit.



VHF, GPS, pujorsiuat, qinnuar-taat aamma imaanut nunap assinga eqqaamakkit.



Angallat kinnguppat angallatip eqqaaniinnarit.



Angalaninni sila qanoq innersoq maluginiaruk. Allanggoriataarsinnaavoq.



Angalareerlutit tikikkuit inuit iisimatinnissaat eqqaamajuk.



KALAALLIT NUNAANNI PINIARNERMI ILEQQORISSAARNEQ

Piniakkavut assigiinngitsorpassuit pinngortitarlu alutornartorsuaq piniarnermi naleqanngitsunik misigisaqarnissamut periarfissiippat, pisaq puiisuppat, arfiuppat, umimaappat timmiaappalluunniit apeqqutaatinngagu. Nunatsinni piniarnermi ileqqorissaarnertut isigineqartut immikkoortuni tulliuuttuni tallimani allaaserineqarput.

- 1) Piniarneq tamarmi inatsisit atuuttut naapertorlugit ingerlanneqassaaq. Taamaatumik piffissaliussat piniarfissat, nunat piniarfissat pisassiisutillu atuuttut paasinaakkit, aamma illit kommunerisappit avataani aalajangersarneqartut. Nunat eqqisisimatinneqartut aamma timmiaqarfuit eqqaanniittut sumiiffiit immikkoortitat illersugaasut ataqikkat taamaalilluni timmissat eqqisisimallutik piaqqisinnaaqqullugit amerleriarsinnaaqqullugillu.
- 2) Piniarnerup nuannersuuneranut uumasup pisariaqanngitsumik naalliutsinneqannginnissaa ilaavoq. Taamaattumik pingaaruteqarpoq aallaasit sulloqqortussutsip eqqortup atorneqarnissaa isumannaatsumillu ungasippallaanngitsumiit seqqortuaannartarit. Pisat angerlamut assartorneqartussaammata qanillisarniarnissaat pillugu piniakkat pissatarineqassanngillat ungoorneqassanatillu.
- 3) Nunatsinni inoqutigiinnut, atisanut aamma eqqumiitsuliornikkut atortussiassanik atuinitsinni piniakkap tamarmiusup atorneqarnissaa ileqqoraarput. Taamaattumik pisaqaruit neqi allallu nerineqarsinnaasut, atorneqarsinnaasullu allat tamakkerlugit nassartakkit. Taamaaliornikkut pisuussutit uumassusillit ataatsimut pigisavut pitsaanerpaamik pissarsiffigissavagut.
- 4) Piniariarlutit aallannginninni sakkutit misissoqqaakkit. Aallaasivit piniagassanut atorneqartinnagu ooqattaatigineqarsimanissaa isumannaaruk. Piniagap aallaaniakavit inummik tunuaniittoqarnerseq tamatigit misissoqqaartassavat. Inuit allat, inissiat, angallatit allallu tungaannut aamma illoqarfup iluani seqqunngisaannarit.
- 5) Piniakkat pisisatit pillugit tamatigit allattuiuaannartarit taamaalillutit piniarnermut allagartat nutarterneqartussanngorpat ukiumoortumik immersugassat ajornannginnerusumik immersorsinnaaqqullugu. Piniagassat killilersukkat tamaasa pillugit pisanik immikkut nalunaarsuiffissaq immersoruk utertillugulu, taamaalilluni piniagassaqaassutit ineriartorneri pillugit ingerlatsivik sapinngisamik pitsaanerpaamik ilisimasaqalersillugu.

Pinngortitaq imaannaanngitsoq nunallu annertuut pillugit isumannaallissaaneq annertuumik pingaartinneqassaaq. Mappersakkap matuma ungaluani imaatigit isumannaallissaaneq pillugu annertunerusumik atuariat.

*Saqqaaani asseq: Qaanaami inuussutissarsiutigalugu piniartooq.
Assiliisoq: Mads-Ole Kristiansen.*

PINNGORTITAMI MISIGISAT AAMMA IGITAT

Pinngortitaq alianaatsuvoq nunatsinni sumulluunniit pigaluaaraanni. Ukiunili kingullerni nunani tikitani alianaatsortaa takujuminaallisimavoq. Siusinnerusukkut nunat alianaatsorsuusimasut maannakkut igitanik qimaannakkanik, puigukkanik imaluunniit aalisarnermut piniarnermullu atortunik, gummibåditoqqanik, umiatsiaaratoqqanik aquuterlatoqqanillu qimaannakkanik annaasanillu mingutsinneqarsimapput.

Taamatut ileqqorloqalerneq piaarnerpaamik unitsittariaqarparput. Pinngortitameereernerup kingorna saliinissaq igitassallu il.il. illoqarfimmut nunaqarfimmulluunniit oqqunnissaat ajornartorsiutaasariaqanngilaq. Illoqarfinni amerlanerni umiatsianut puttasut eqqaanni containerit eqqaaviit inissinneqarnikuupput, igitassallu iginneqarnissaat akeqarani. Taamaattumik angalasimagaangavit igitassatit tamatigut nas-sartakkit. Taamaasiorneq uagutsinnut, kingulissatsinnut, pinngortitami piniarnermilu pitsaanerpaamik misigisaqartitsissaaq. Piniarluarina!

INGERLATSIVIMMIIT NUTAARSIASSAT

PINIARNERMUT ALLAGARTAQ WWW.SULLISSIVIK.GL
AQQUTIGALUGU AKILERSINNAANNGORPOQ

Maannakkut piniarnermut allagartap www.sullissivik.gl aqqutigalugu toqqaannar-tumik Dankort, Visa/Dankort, Mastercard kredit imaluunniit Mastercard debit atorlugu akilernissaanut periarfissaavoq. Sunngiffimmi imaluunniit inuussutissar-siutigalugu piniarnermut allagartat taamatut aaneqarlutillu akilerneqarsinnaapput. Taamaasilluni kommunit naalakkersuisoqarflluunniit ingerlaannaq takusinnaassa-vaat piniarnermut allagartaq akilerneqarsimanersoq. Taamaaliornikkut piniarnermut allagartap saniatigut akiliisimanermit uppernarsaammik nassataqarnissaq pisaria-qarunnaassaaq.

Taamaattorli piniarnermut allagartap suli pisarnertut netbank aqqutigalugu imaluunniit allakkerisarfikku akilerneqarnissaa periarfissaassaaq. Piniarnermut alla-gartap akilersimaneranut uppernarsaatip toqqornissaanut eqqaamassavat. Piniarner-mut allagartap netbank aqqutigalugu akilernissaa isumassarsiatsialaavoq, taamaasillutit akiliisimanermit uppernarsaat anillatsittaqqattaarttuannarsinnaagakku. Piniarner-mut allagartat www.sullissivik.gl aqqutigalugu akiliisinnaanermit periarfissaq atorsi-magukku tamanna piniarnermut allagartami ersissaaq, annertunerusumillu uppernar-saatinik pisariaarussaait.

Taassuma saniatigut suliniutit pissanganartut allat aamma ingerlanneqarput. Su-liniutit ataatsimut isigalugit siunertaraat piniarsinnaanermit allagartaqarneq aamma pisanik nalunaaruteqarneq pillugu sullissinerup atuisumiit isigalugu pitsaanerpaan-ngortinnissaa, piuminarnerulersinneqarnissaa kiisalu pitsaanerulersinneqarnissaa.

Suliniutinut ilaatigut piniarsinnaanermut allagartanut qinnuteqarnerup, akiliinerup aamma qarasaasiakkut toqqorterinerup iserfigineqarnissaa suli ajornanginneruler-sitsinissamik imaqarput kiisalu digitalikkut ataavartumik pisanik nalunaaruteqarneq akuersissutinullu moduuli akuersissutit qarasaasiakkut immersorneqarnissaannik ajornarunnaarsitsisussa. Kingullertut taaneqartoq aallaqqaammut tuttunut umim-mannullu akuersissutinik periarfissiissaaq, kisianni piffissaq ungasinnerusoq eqqarsaa-tigalugu piniakkat killilersukkat tamarmik ilanngunneqarumaarlutik.

PINIARTUT ATUISULLU ILISIMASAAT

Piniartut atuisullu ilisimasaat ilanngunneqarnerat katersorneqarnerallu tassaavoq eqqartortagaq uteqattaarneqartartoq, arlallit isumaqarput ilisimasaq pineqartoq ilisi-matuussutsikkut tunngavilersukkat uumasorsiuut siunnersuutaat atorneqassasoq. Uumasorsiuut ilisimatuussutsikkullu misissuinerit qajannaatsut pissarsiariuminarne-rupput, akulikitsumik saqqummiunneqartarmata, ilisimatuunillu allanik attuumas-uteqanngitsunik nalilerneqareertarlutik. Piniartut atuisullu ilisimasaat ilusilersorluak-kat qajannaatsumillu uppernarsakkat qaqutikkut saqqummiunneqartarput. Tassunga pissutaavoq piniartut atuisullu ilisimasaasa siammasinnerat amerlasuunerallu, piniar-tut atuisullu amerlaqatigalugit.

Piniartut atuisullu ilisimasaat ilusilersorluakkat qajannaatsumillu uppernarsak-kat katersornissaat ilungersunarsinnaavoq ajornakusoornarsinnaallunilu. Piniartut atuisullu qularnangitsumik annertoorujussuarmik ilisimasaqarput, ilusilersorluakka-milli katersorneqarsimangitsut, KNAPK-miit peqatigiiffinilluunniit. Taamaattumik piniartut atuisullu ilisimasaanik katersinermi inummik attuumasuteqanngitsumik ilaatitsinissaq pisariaqarpoq, piniartut ulluinnaanut, ilisimasaanut takusartagaanullu paasinnissinnaasoq, taamaalillunilu ilisimasaat uppernarsarlugulu ilusilersorlugu, siu-nissaq eqqarsaatigalugu isumannaarlugu kiisalu allannguuteqarnerasoq takusinnaanas-sammagu nangitseqarnissaa qulakkeerlugu.

Tamanna ajornartorsiut pisassiissutitut siunnersuutinut tusarniaanermi ersarittar-poq. Ukiut tamaasa naalakkersuisoqarfik piniagssat killilersukkat tamarmik pillugit tusarniaanernik sap. akunnerit tallimanik sivistigisunik ingerlatsisarpoq. Sumiiffim-mi piniartut, piniartut kattuffii allallu attuumasuteqartut tamarmik tusarniaanermut akissuteqarsinnaapput, allaaserineqartullu pisassiissutinullu kissaatit aalajangernermi ilanngunneqartarput. Sumiiffimmi piniartut piniartullu kattuffiata kissaatigisai aala-jangiisoqannginnerani isumaliutiginninnermi ilanngunneqartarput. Nalilersuinermi ilanngunneqartarpoq kissaatigineqartut piviusunngortinnissaanut tunngavilersuutit pitsaassusaat.



Ittoqortoormiini piniartut 2020-mi ataatsimeeqatigineqarput, piniartullu ilisimasai katersorneqarput.

Naalackersuisoqarfiup piniartunit tusarniaanermi akissuteqaatinik arlalinnik inasuteqaatinik kissaatinillu imaqartunik tiguisarpoq, ajoraluartumillu uppernarsaatit noqqaassutigineqartunut nukittoqutaasinnaasut amigartarlutik. Uumasorsiuut inassuteqaataat uppernarsaatitalimmik saqqummiunneqartarput kiisalu pilersaaruisiorluakkamik misissuineq tunngavilimmik, attuumassuteqanngitsunillu biologinit misissorneqareerlutik pitsaassusaat uppernarsarumallugu. Assersuutigalugu biologit pisassiissutinut innersuussutaat qilalugaqatigiit aalajangersimasut pillugit nalunaarsiamiit naatsorsorneqarsimasinnaapput. Piniartut tusarniaanermi akissuteqaammi pisassiissutit pillugit kissaatigisaat sumiiffimmi piniartut nammineq pisariaqartitatik tunngavigalugit kissaataasinnaapput, qilalugaqatigiit imaluunniit uumasoqarfiit qanoq innerat tunngavigalugu. Taamaakkaluartoq Naalackersuisut noqqaassutit tigusat tamarmik tunngavigalugit aalajangiinissaq anguniartarpaat. Assersuutaasinnaavoq Tunumi qilalukkat qernertat inissisimanerat. Uumasorsiuut 2019-mi inassutigaat pisaqanngiivittoqassasoq, tamannalu piniartuniit sakkortuumik illuatungilerneqarpoq.

Illuatungeriit marluk akерlerluinnaanik isumaqartut oqimaaqatigiissinniarlugit, kiisalu piniarnerup kulturia atatiinnarniarlugu neqissaqarniarnerlu qulakkeerniarlugu, taamanikkut Naalackersuisut aalajangerpaat qilalukkanik qernertanik pisassiisoqassasoq, naak pisassiisoqannginnissaa inassutigineqaraluartoq. Illuatungeriit tamarmik naammagittaalliorput, ilisimatuut assut ernumallutik, piniartullu amerlanerusunik pisassiisoqarnissaa kissaatigalugu. Taamaattorli Naalackersuisut mianersortitaasussaanertik malillugu aalajangerpaat ukiuni sisamani, imaluunniit nutaamik inassuteqartoqarnissaata tungaanut, milliartortumik pisassiisoqarnissaa. Naalackersuisoqarfiup

maannakkut sulissutigaa piniartut aamma atuisut ilisimasaannik katersisoqarnissaa ataqatigissaartumik atornissaa siunertaralugu, kingullermilu martsimi 2021-mi piniartut aamma ilisimatuut akornanni pitsaanerumik suleqatigiittoqarnissaa kiisalu piniartut aamma atuisut ilisimasaannik pitsaanerumik ataqatigiissaarnerumillu katersisoqarnissaa inassutigisimallugu.

PINIAKKAT TULAAÑEQARTARTUT PITSAANERUSUMIK ANNERTUNERUSUMILLU ATORNEQARTARNISSAAT

Naalakkersuisoqarfik ukiuni kingullerni qilalukkat qaqortat qernertallu mattai piaanakkat, puisut amiiariarlugit qimaannarneqarsimasut, tutut nulusut oktoberimi pisarineqartarneri kiisalu umimmaat iluitsut amiiannarneqarsimasut qimaannarneqarsimasullu pillugit nalunaarutinik amerliartuinnartunik tigusaqartalerpoq. Pissutsit taamaanneri akuerineqarsinnaangillat ajornartorsiullu unitsissagutsigu annikillissagutsiguluunniit tamatta suleqatigiittariaqarpugut. Kalaallit Nunaanni najugaqartuusugut ileqqoraarput nerisaqarniartarnitsigut, atisassatut eqqumiitsuliornermullu atatillugu piniagap tamarmiusup atorneqartarnera – ileqqutoqarlu taanna attatiinnartariaqarpoq. Pissutsit taamatut ilisimanerat uggornarpoq inunnimmi ajornartorsiuteqartunik ikiuukkusuttartutut isumaginnittartutullu nammineq isigisaratta.



Siorapalummi qilalukkat qernertap neqaanik panertunik atuilluarneq, nikkunik taaneqartartut.

Mattak Kalaallit Nunaani piumaneqartorujussuuvog, qilalukkalli qaqortat qernertallu neqaat uggornaraluartumik piumaneqannginnerullutik. Puisit amii Great Greenlandimut tunineqartarput, nerineqarsinnaasortaali tamatigut tunineqarsinnaaneq ajorlutik. Tuttut umimmaallu piniagassaapputtaaq piumaneqarluartartut, namminerlu pisarineqarsinnaanissaat amerlasuunit pingaartinneqartarlunilu tulluusimaarutigineqartarluni. Piniagassat ilaat tamakkerlugit timaasaluunniit ilaat pisisartuniit piumaneqanngippata naleqanngitsutut isigineqartassaanngillat. Tamanna pisanik qimatsiinnartarnermut utoqqatsissutitut ilaasa atortarpaat naak atorluarneqarsinnaalluaraluartut. Sineriammi tamarmi utoqqaat utoqqaat illuini najugartut minnerunngitsumillu paaqqinnittarfiit assigiinngitsut ulluinnarni kalaaliminernik annertunerusumik nerisariaqartarnissamik pisariaqartitsinertik oqaatigiuarpaat.

Nutarterineq soqutiginninnerulersitsisimavortaaq, neqimmi akuutissanik allanik akuukkat, seernartulikkat panertitallu piumaneqaleraluttuinnarmata. Piniagassat neqaat kisimik ajornartorsiutaanngillat, piniagassammi amii, meqqui, kukii saarngili qimaannarneqartarmatattaq. Inuit tamakkuninnga soqutigisallit ujartornerisigut pineqartut nalituunngortinneqarsinnaapput. Tamattaalluta piniagassanik tamakkiisumik atuisarnissarput kaammattuutigineqarpoq. Nammineerlutit ilaqquttatillu nerisassiornermi ikiuuttarnerisigut nerisassanik asiutitsisarneq annikillisinneqarlunilu unisinneqarsinnaavoq.

PINIARNERMUT ALLAGARTAT – UKIUMOORTUMIK IMMERSUIFFISSAQ, PISANIK NALUNAARNEQ, QANOQ NALUNAARTARPAT AAMMA SOOQ NALUNAARTARPAT

Piniarnermut allagartat nutarterniarukku ukiup siuliani pisatit nalunaarutigeqqaar-tussaavatiit. Imminut sullinnissamut periarfissaq www.sullissivik.gl aqcutigalugu atorluarsinnaavat imaluunniit kommuunip sullissiviani Aalipi atorsinnaavat. Systemip ingerlaannaq ukiumut pisanik nalunaarsuiffissaq nuisittarpaa.

Eqqumaffigissavat nammineq sullissivinni piniariaatsit assigiinngitsut toqqagassaammata, ukiumut nalunaarsuiffimiit pisanillu nalunaarsuiffimiillu pappiliamiit toqqagassaqarnerulluni. Pisanik nalunaarsuiffik ukiup ingerlanerani qaammatit taamaasa eqqaamatitsissutissat atorpeqarsinnaavoq.

Pisat pillugit paasissutissat pineqartut ingerlatsinermut qulakkeerinnissapput siunnersuineq taamaasilluni pitsaanerulissaaq.

Uumasunik piniagassanik pisat qaammatikkaartumik nalunaarutigineqassapput:

- Pisat amerlassusaat piniariaaserlu (sakkoq = aallaat imaluunniit qassutit).
- Pisisuukkat amerlassusaat.
- Pissatat kivisitallu.


Uumasut piniagassat aallaammik pisatut nalunaarsorneqarsinnaapput, taamaattumillu pissatat kivisitatuullu. Miluumasut imarmiut tamarmik timmissallu pisisuukkatut nalunaarsorneqarsinnaapput. Puisit aamma qilalukkat qaqortat qernertallu qassutinik pisatut akuerineqarnikut kisimik nalunaarsorneqarsinnaapput.

Pisisuukkat pitsaanerusemumik nalunaarsorneqarnissaat nunatsinni nunanilu allani ukiuni qulikkaartuni kingullerni eqqumaffigineqaraluttuinnarput. Taamaammat pisisuukkat ikilineqarnissaat sulissutigineqarpoq, tamannalu aalisartumut piniartumullu iluaqutaassalluni. Nunatsinni aalisarnermi MSC-mik nalunaarusialiortarnermut atatil-lugu aamma pitsaanerusemumik nalunaaruteqarnissaq ukkatarineqarpoq.

Pissatat kivisitallu pillugit paasissutissat piniartunut ataasiakkaanut ersersittarpaat seqqornermi piniagaq eqqortumik aallaaneqarsimanersoq piaartumik toqunneqar-nissaa eqqarsaatigalugu, kiisalu qanoq ungasitsigisumiiit sulloqqortussuseq imassallu eqqarsaatigalugit. Aallaaseq eqqortumik nakersarneqarsimanissaa aamma sunneeqa-taasinnaavoq. Pissatat kivisitallu amerlappata isumaqariaannaavoq toqutseriaaseq nalilersorneqartariaqartoq immaqalu pitsanngorsarneqartariaqartoq.

TUTTUNUT AKUERSISSUTIT PISANIK NALUNAARUTITALIMMIK UTERTINNEQARTUSSAAPPUT

Nunatsinni inuusutissarsiutigalugu sunngiffimmilu piniartut tuttunniarnermik nuannarisaqartuupput, tamanna tuttunniarinessamut akuersissutit tunniunneqartartut amerlassusaat malillugu malunnarluinnarpoq. Illoqarfinni nunaqarfinnilu sumiiffinni sullissiviit piniartunut tuttunniarinessamut akuersissutinik tunniussisartuupput, taama-tuttaarlu akuersissutit tunniunneqartut utertinneqartullu nalunaarsorneqartarnissaat pillugu suliaqartartuullutik. Piniartut akuersissuteqarnertalimmik tuttunniarsinnaaler-nerminni inatsisit malillugit akuersissutip tunuaniittumik pisanik nalunaarsuiffimmik immersuinissamik pisussaaffeqalerput taamatullu aamma akuersissutip utertinneqar-nissaanik. Akuersissummik immersuinikkut pisanik nalunaaruteqarnermi pisaqarfii, tutut suaassusaat, utoqaassusaat/ angissusaat aamma tunnoqassusaat nalunaarutigineqartartussaapput.



Tuttunniarnermiit pisanik nalunaaruteqarnissaq inatsisitigut pisussaaffigaarput.

Pisanik nalunaaruteqarnerit APN-ip aqutsinermi aamma biologit inassuteqaasior-nerminni atortarpaat, inassuteqaasiornissamullu pitsaanerpaamik tunngaveqarnissaq tassaalluni tuttoqatigiit pillugit sukumiisumik ilisimasaqarnissaq. Pisanik nalunaaru-teqarnissaq taamaalilluni pingaaruteqarluinnarpoq, allaat Piniarnermut Naalakkersui-sumit ukiumoortumik tuttunniarinessamut pisassiissutinik piffissaliussanillu aalajangi-nissamut atorneqartarlutik.

Akuersissutit tamarmik pisanik nalunaaruteqarnertalimmik immersorneqartar-nissaat utertinneqartarnissaallu APN-miit ilaatigut TV-kkut allagartalersuinikkut ukui kingullerni sulissutigineqarpoq, kisianni akuersissutit utertinneqanngitsut suli amerlavallaarujussuarlutik. Tamanna kisitsisinik assersuutigalugu Nuummeersunik misissuigaanni ersarilluinnarpoq. Tuttunniarinessamut umimanniarinessamullu aku-ersissutit 2020-mi Nuummi Sullissivimmiit tunniunneqartut 3.263-iupput utertinne-

qartullu 1.464-iinnaallutik tassalu taamaallaat 45%-ii utertinneqarsimallutik.

Maleruagassat maannakkut sukaterineqarnissaat sulissutigineqarpoq, ilaatigut piniarnermut aallaaniarnermullu inatsisip kiisalu nalunaarutit atuuttut nutarterneqarnerisigut. Tassani tuttunniarnermi umimmanniarnermilu pisanik nalunaaruteqartannginneq immikkut eqqarsaatigineqarluni. Pisanik nalunaaruteqartannginneq siunissami inuussutissarsiutigalugu aamma sunngiffimmi piniartunut akuersissutinik qinnuteqarsinnaanermik periarfissaqarnermut kinguneqarsinnaalissaaq, tuttut pillugit nalunaarummi §§ 19-20 aamma § 25 kiisalu umimmaat pillugit nalunaarummi §§ 20-21 aamma § 26 takukkit. Ajornerpaamik pisoqarpat piniarsinnanermut allagartamik piffissami killilikkami arsaagaasoqarsinnaavoq.

Pisanik nalunaaruteqartannginneq pillugu kommunimiit tuttunniarnissamut akuersissutit marlukkaaginnarlugit tunniunneqarsinnaalereerput (piniarfinnut assigiingitsunut marlunnut) tamannalu inuussutissarsiutigalugu (akuersissummut tuttut qulit) aamma sunngiffimmi piniartunut (akuersissummut tuttut tallimat) atuuppoq. Akuersissutinik pisanik naammaginaratumik immersorneqartunik utertitsinikkut aatsaat akuersissutinik nutaanik qinnuteqartoqarsinnaavoq.

Piniarnermut allagartap 1. maaji sioqqullugu akilereersimanissaa pillugu piumasaqaat aamma atuussinnaavoq, tamannalu inuussutissarsiutigalugu aamma sunngiffimmi piniartunut ilaannut piffissaq eqqorlugu akiliisimanngitsunut kinguneqarsinnaasarpog. Inuussutissarsiutigalugu aamma sunngiffimmi piniartut tuttuniarnermiit aamma umimmanniarnermiit inatsisitigut pisanik nalunaaruteqarnissamut pisussaaffeqartut. Taamaammat illit akuersissutippit pisanik nalunaarutitalimmik utertinneqarnissaa piumasarineqarpoq – aamma pisaqarsimanngikkaluaruilluunniit. PINIARNEQ aqutugalugu ukiumoortumik pisanik nalunaaruteqarneq nalinginnaasoq akuersisutitip tunuaniittumik pisanik sukumiinerusumik nalunaaruteqarnermik ilaneqartussaavoq.

UNIOQQUTITSISUMIK PINIARNERMIK TAKUNNITTUUVIT?

APN unioqqutitsisumik piniarneq pillugu saaffiginnissutinik imaluunniit tamanna pillugu pasilliutinik tigusaqakulasarpoq, saaffiginnittorlu pisoqartillugu imaluunniit pisoqareertillugu qanoq iliornissani nalusarlugu. Unioqqutitsisumik piniarneq piniarnissamut piffissaliussap avataani pisimasinnaavoq, piniakkat killilersukkat akuersissutitaqanngitsumik piniarneqarsimasinnaapput, amerlavallaanik pisaqartoqarsimasinnaavoq imaluunniit inerteqqutaasumik piniariaaseq atorlugu piniartoqarsimasinnaavoq il. il. Saaffiginnissutit APN-imi tiguneqaraangata uppersaatinik piumasarpugut, soorlu aqqi, sumiiffik, assinik kiisalu unioqqutitsineq videoliarineqarsimasappat video-nik, pissutigalugu Politiinut nalunaarutiginninnermi atortariaqarmata. Nakkutilliisut aamma suliakkertarpagut suliaq erseqqinnerusumik misissoqqullugu uppersaatinillu pissarsiaqaqqullugit. Unioqqutitsinerit pillugit qanorlu Politiinut nalunaarutigineqarnissaat pillugu APN malittarisassaarpoq, inatsisit taamaallutik malinneqartarlutik.

Nakkutilliisut suliassaraat aqutsiveqarfinni nakkutilliineq, kisianni innuttaasut piniakkanik piniarnermut atatillugu unioqutitsisumik piniarnermik takunnissimagangamik pisussaaffigaat APN-imut, Kommunimut imaluunniit Politiinut saaffigninnissaq. Taamaattorli pisumik Politiinut nalunaarutigineqartumik takunnittoqarsimanissaa pingaaruteqarpoq, pissutigalugu pisumik takunnittut – pisumik isiginnittut – pisoq pineqartoq pillugu oqaluttuarsinnaammata takunninngitsut pisumik takunnittumiit oqaluttuarfigineqartumiit imaluunniit takunnittumiit oqaluttuarfigineqartumiit oqaluttuarfigineqaannartut sanilliullugit.

Pisumik isiginnissimaguit imatut iliorsinnavutit (*):

- Unioqutitsisumik pisoqarnerani assiliisarlutit imaluunniit videoliorlutit. Assit videollu internet-imeersut uppersaasatit atorsinnaangillat pissutigalugu qanga pisimansoq takussutissartaqangimmat.
- Assit videollu internet-imeersut pisup misissorneqarnerani atorsinnaapput.
- APN-imut, sumiiffimmi Nakkutilliisunut, Kommunemut imaluunniit Politiinut telefonikkut, mailikkut imaluunniit nammineq ornigullutit saaffignillutit.
- Inuup pineqartup atia – imaluunniit inuit pineqartut atii – nalunaarutigalugit.
- Piniakkap suunera aamma aqutsiveqarfiup sorliunera nalunaarutigalugu.
- Pisoq sapinngisamik sukumiinerpaamik oqaluttuaralugu (APN, Kommune imaluunniit Politiit pisup allaganngorlugu oqaluttuarineqarnissaa piumanerussavaat, pissutigalugu illit nammineq pisoq pillugu oqaluttuarisat suliap ingerlanerani nukit-tunerpaatut inissisimassamat).

*: isiginnittup oqaluttuarnera assinut imaluunniit videonut sanilliullugit uppersaaruminaannerusarpoq, kisianni suliap ingerlanerani iluaqutaalluni. Naggataatigut Politiit aalajangissavaat uppersaasatit qanoq atorluarsinnaatiginersut – ilumullu inatsisinik unioqutitsisoqarsimansoq.

UKIUMOORTUMIK IMMERSUIFFISSAMI ALLANNGUUTIT PINGAARUTILLIT

Ukiumoortumik immersuiffissami piniakkat uku ilaajunnaarput: qilalugaq qaqor-taq, qilalugaq qernertaq, aaveq aamma nanoq. Taakkuninnga pisaqartarnerit pisanik immersuiffissat immikkut ittut akuersissutinut ilanngullugit tunniunneqartartut atorlugit nalunaarutigineqartartussaapput. Pisaqareernerup kingorna pisamik immersuiffissaq kommunip allaffianut piaarnerpaamik tunniunneqassaaq. Piniakkanik pineqartunik pisaqarsimaguit pisussaaffeqarputit malittarisassat malinneqarnissaat.

Piniakkat sinneri eqqarsaatigalugit pisatit suli ukiumoortumik immersuiffissaq atorlugu nalunaarutigisassavatit. Tamanna kingusinnerpaamik 15. Oktobarimi 2022-mi www.sullissivik.gl-mi/selvbetjening-mi isumagissavat imaluunniit kommunip innuttaasunut sullissivia aqutugalugu, Sullissivimmik aamma taaneqartartoq.

PINIARIANNGINNERNI AKUERSISSUMMIK QINNUTEQAQQAARIT

Piniagassat killilersukkanik piniariartartunut tamanut kaammattuutigineqarpoq piniariannginnermi akuersissutinik qinnuteqaqqaarnissaq. Tassami piniariannginnermi akuersissutinik pissarseqqaarsimagaanni, piniariarfimmullu nassarlugu, akiligassat pineqaatissiisutaasinnaasullu allat pinngitsoorneqarsinnaammata.

Akiligassiisutit tusintillit arlaqartut angusinnaasarpaa, apeqqaalluni piniakkat qassit, piniagaq suna taavalu aalajangersakkat qassit unioqqutinneqarsimanersut. Pisamik arsaarinnitoqarsimanngippat akiligassiissummik annertunermik takkuttoqarsinnaavoq, pisap nalinga akiligassiissummut ilanngunneqarsimassammat. Arlaleriarluni unioqqutitsinermi piffissamik aalajangersimasumik piniarnermik allagartaqaqqusaannginnermik kinguneqariataarsinnaavoq. Taamaammat akuersissutissat piffissaqarluartilutit kommune sumiiffigisannut Sullissivimmut qinnutigiguk!

INATSISIT, PIFFISSALIUSSAT AAMMA MALERUAGASSAT

NANNUT

Inatsisit: Kalaallit Nunaanni nannunniarneq inatsisitigut nannunik piniarneq illersuinerlu pillugit Namminersorlutik Oqartussat nalunaarutaat nr. 3, 14. sept. 2018-imeersumi malittarisassiuunneqarpoq.

Nannunniarnissamut piffissaliussat: Kalaallit Nunaata Kitaani (Nanortalik-Qaanaaq) septembarip aallaqqaataaniit juunip 30-iat ilanngullugu, Tunumilu (Ittoqqortoormiit aamma Tasiilaq) oktobarip aallaqqaataaniit juulip 31-iat ilanngullugu.

Ilitsersuutit: Nannunik naammattuinermi qanoq pissuseqarnissamut ilitsersuut www.naalakkersuisut.gl-mi takuneqarsinnaasoq, tassani nannup toqunneqarne-rata kingorna amia, niaquata saarnga aamma aqajarua qanoq passunneqassanersut ilanngunneqarlutik.

Sulloqqortussutsinut piumasaqaat: Qoorortoq minnerpaamik cal. .30-06 sakkortus-susilik.

Pisarineqartut 2015-2020	2015	2016	2017	2018	2019	2020
Tamakkerlugit	142	120	142	158	140	153

AARRIT

Inatsisit: Aavernik piniarneq inatsisitigut aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersumi malittarisassiuunneqarpoq.

Piniarnissamut piffissaliussat: Kalaallit Nunaata Kitaani aaveqatigiit 66°N – 70°30'N: martsip aallaqqaataaniit apriliip 30-iat ilanngullugu. Kitaani sumiiffiit avannarpasis-sutsip 70°30'N-ip avannaatungaani: oktobarip aallaqqaataaniit juunip 30-iat ilanngul-lugu. Tunumi: oktobarip aallaqqaataaniit juunip 30-iat ilanngullugu.

Sulloqqortussutsinut piumasaqaat: Qoorortoq minnerpaamik cal. .30-06 sakkortus-susilik.

Pisarineqartut 2015-2020	2015	2016	2017	2018	2019	2020
Tamakkerlugit	131	135	111	98	114	104

ARFERIT ANGISUUT

Inatsisit: Arfernik angisuunik piniarnermi pineqarput: tikaagullik, qipoqqaq, arfvik aamma tikaagulliusaaq. Piniarneqarneri inatsisitigut arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi kiisalu arfattat angisuut pissatallu nalunaarutigineqartarnerat pillugu Namminersornerullutik Oqartussat nalunaarutaat nr. 12, 16. juli 2010-meersumi malittarisassiuunneqarput.

Piniarnissamut piffissaliussat: Arfvik: aprilip aallaqqaataaniit decembarip 31-iat ilanngullugu. Tikaagullit, tikaagulliusaat aamma qipoqqaat: Januarip aallaqqaataaniit decembarip 31-iat ilanngullugu.

Ilitsersuutit: Imarmiunik unioqquitsilluni pisaqartoqartillugu, imminut illersorni-arluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu ilitsersuut nittartakkami www.businessingreenland.gl/imi takuneqarsinnaavoq.

Sulloqqortussutsimut piunasaqaat: Arfernik anginernik piniarnermi taamaallaat atorreqaqqusaapput qamutiliit qaartartortalimmik tuukkartallit 50 mm-inik kaliberilit. Ataatsimut piniqatigiilluni tikaagullinniarnermi qoorortoq minnerpaamik cal. .30-06 sakkortussusilik atorreqassaaq.

Pisarineqartut 2015-2020	2015	2016	2017	2018	2019	2020
Tikaagulliusaaq	12	9	8	7	8	3
Arfvik	1	0	0	0	0	0
Qipoqqaq	6	5	2	6	4	4
Tikaagullik	139	163	143	118	171	181

QILALUKKAT QAQORTAT QERNERTALLU

Inatsisit: Qilalukkanik qaqortanik qernertanillu piniarneq inatsisitigut qilalukkat qaqortat qernertallu illersugaanerit piniagaanerallu pillugit Namminersorlutik Oqartussat nalunaarutaat nr. 3, 27. januar 2017-imeersumi malittarisassiuunneqarpoq.

Piniarnissamut piffissaliussaq: Ukioq kaajallallugu qaqortanik qernertanillu qilalugarniartoqartarpoq: januaarip aallaqqaataaniit decembarip 31-iat ilanngullugu.

Ilitsersuutit: Imarmiunik unioqquitsilluni pisaqartoqartillugu, imminut illersorni-arluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu ilitsersuut nittartakkami www.businessingreenland.gl takuneqarsinnaavoq.

Sulloqqortussutsimut piunasaqaat: Qoorortoq minnerpaamik cal. .30-06 sakkortussusilik.

Pisarineqartut 2015-2020	2015	2016	2017	2018	2019	2020
Qilalukkat qaortat	127	203	196	213	265	194
Qilalukkat qernertat	312	401	426	509	534	286

ARFERIT MIKINERIT

Arferit mikinerit tassaapput niisa, anaruaq, aarluarsuk, niisarnaq aamma aarluk.
Piniarnissamut piffissaliussaqaq: Ukioq naallugu.

Pisarineqartut 2015-2020	2015	2016	2017	2018	2019	2020
Niisa	2.009	2.375	2.385	2.890	2.778	3.300
Anaruaq	3	3	16	0	8	2
Niisarnaq	283	195	384	399	305	222
Aarluk	23	14	18	21	17	29
Aarluarsuk	96	123	98	137	225	250

PUSIT

Inatsisit: Puisinniarneq inatsisitigut puisit illersugaanerat piniagaanerallu pillugit Namminersorlutik Oqartussat nalunaarutaat nr. 16, 12. nov. 2010-meersumi malit-rarisassiuunneqarpoq.

Malugiuk: Qasigiaq aamma sigguttooq (puisi sigguttooq) Kalaallit Nunaanni eqqis-simatitaalluinnarmata taakkualu piniarneqartunut ilaanngillat.

Piniarnissamut piffissaliussaqaq: Puisinniarneq ukioq kaajallallugu ingerlanneqartar-poq, januaarip aallaqqaataaniit decembarip 31-at ilanngullugu.

Sulloqqortussutsinut piimasaqaatit: Aallaasit minnerpaamik cal. 17HMR, cal. 22WMR aamma cal. 20.

Pisarineqartut 2015-2020	2015	2016	2017	2018	2019	2020
Natsersuaq	1.949	1.516	1.526	1.025	1.627	766
Ussuk	1.355	1.332	1.143	1.072	1.084	744
Aataaq	43.709	39.347	32.804	31.883	32.531	22.019
Allattooq	19.138	17.563	15.904	16.848	17.611	10.405
Natseq	57.584	48.219	40.954	48.085	45.912	30.103

TUTTUT

Inatsisit: Tuttunniarneq inatsisitigut Namminersorlutik Oqartussat nalunaarutaat nr. 7, tuttut nujuartat illersugaanerat piniagaanerallu pillugit 27. juni 2013-imeersumi malittarisassiuunneqarpoq.

Sulloqqortussutsinut piunasaqaatit: Inuussutissarsiutigalugu aamma sunngiffimmi piniarnermi qoorortoq minnerpaamik cal. 222 sakkortussusilik. Tammajuitsussarsiorluni piniarnermi qoorortoq minnerpaamik cal. .243 sakkortussusilik.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq qarsut naqqi aalajangersimasut atorneqartillugit minnerpaamik 45-pund-nik (21 kg.) nusutsisinnaassusilik, qarsullu naqqi mekaniskiusut atorneqartillugit minnerpaamik 55-pund-nik (25 kg.) nusutsisinnaassusilik. Qarsut naqqi aalajangersimasut minnerpaamik 385 grains-nik (25 gr.) oqimaassuseqassapput, qarsuillu naqqi mekaniskiusut minnerpaamik 425 grains-nik (28 gr.) oqimaassuseqassapput.

Pisarineqartut 2015-2020	2015	2016	2017	2018	2019	2020
Tamakkerlugit	12.097	12.008	12.460	11.165	13.076	9.580

UMIMMAAT

Inatsisit: Umimmanniarneq inatsisitigut Namminersorlutik Oqartussat nalunaarutaat nr. 8, umimmaat illersugaanerat piniagaanerallu pillugit 27. juni 2013-imeersumi malittarisassiuunneqarpoq.

Sulloqqortussutsinut piunasaqaatit: Inuussutissarsiutigalugu aamma sunngiffimmi piniarnermi qoorortoq minnerpaamik cal. 6.5x55mm sakkortussusilik. Tammajuitsussarsiorluni piniarnermi qoorortoq minnerpaamik cal. .30-06 sakkortussusilik.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq minnerpaamik 60-pund-nik (28 kg.) nusutsisinnaassusilik. Qarsut minnerpaamik 525 grains-nik (34 gr.) oqimaassuseqassapput. Qarsut mekaniskiusut atoqqusaanngillat.

Pisarineqartut 2015-2020	2015	2016	2017	2018	2019	2020
Tamakkerlugit	2.386	2.656	1.568	1.835	2.246	1.805

TIMMISSAT

Inatsisit: Timmissanik piniarneq inatsisitigut timmissat illersugaanerat piniagaanellu pillugit Namminersorlutik Oqartussat nalunaarutaanni nr. 17, 28. oktobari 2019-imeersumi malittarisassiuunneqarpoq. Sumiiffiit eqqissimatitat tallimaapput, appat sigguttuut aamma appat Zone 1-mi aamma 2-mi upernaakkut piniagaajunnaarput, tulukkat aamma naajat ukiuni tallimani misileraataasumik ukioq kaajallallugu killeqanngitsumik piniarneqarsinnaapput, Mittarfearfiit imaluunniit kommunit periarfissaqarput mittarfiit, eqqaaviit aamma eqqaavissuit eqqaanni tulukkat naajallu manniinik katersitsinissamut imaluunniit uuliamik serpartaatisinissamut kiisalu timmissanik qinnuteqarnikkut nalunaaqutsersuisinnaaneq piriarfissaavoq.

Sulloqqortussutsinut piumasaqaatit: Timmiarsiut sullua annerpaamik 12-iusoq aamma qoorortuaraq sullua minnerpaamik .17-iusoq.


Piniariaatsit allat: Saaqutit nuffisilluunniit nalinginnaasumik kiisalu Zone 1-mi aamma Zone 4-mi appaliarsunniarnermi qalut aamma naperniutit ipullit.

Zone 1: Avannamut Petermann Fjordimut killeqarpoq. Kujammullu Hammer Ø-mut killeqarluni.

Zone 2: Avannamut killeqarfia Hammer Ø. Kujammut Maligaat nalaani killeqarpoq.

Zone 3: Avannamut Maligaat killeqarfigaa. Kujammut Kanajorartuut killeqarfigaa.

Zone 4: Kujammut Kanajorartuut killeqarfigaa. Avammut Kap Biot killeqarfigaa.



Piniarnissamut piffissaliussat:

Timmissat killilersukkat – Ukiakkut aamma ukiukkut piniarneq

	Zone 1	Zone 2	Zone 3	Zone 4
Miteq	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Miteq sio- rakitsoq	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Appa	15. okt.-28. febr.	15. sept. -15. nov.	1. nov.-15. dec.	1. nov.-31. dec.
Appa sig- guttooq	15. okt.-28. febr.	15. sept. -15. nov.	1. nov.-15. dec.	1. nov.-31. dec.
Taateraag	1. sept.-31. okt. 1. mar.-31. mar.	1. sept.-31. okt. 1. mar.-31. mar.	1. sept.-31. mar.	1. sept.-31. mar.

Malugiuk: Inuussutissarsiutigalugu aamma sunngiffimmi piniartut ullormut piasisinnaasaat killeqarput.

Timmissat killilersukkat – Upernaakkut piniarneq

	Zone 1	Zone 2	Zone 3	Zone 4
Miteq	1. maj-31. maj	Matoqqavoq	Matoqqavoq	Matoqqavoq
Miteq sio- rakitsoq	1. maj-31. maj	Matoqqavoq	Matoqqavoq	Matoqqavoq
Appa	Matoqqavoq	Matoqqavoq	Matoqqavoq	Matoqqavoq
Appa sig- guttooq	Matoqqavoq	Matoqqavoq	Matoqqavoq	Matoqqavoq

Malugiuk: Inuussutissarsiutigalugu aamma sunngiffimmi piniartut ullormut piasisinnaasaat killeqarput.

Timmissat killilersugaangitsut:

	Zone 1	Zone 2	Zone 3	Zone 4
Appaliarsuk	1. jan.-31. dec.	1. sept.-30. apr.	1. sept.-30. apr.	1. jan.-31. dec.
Qeerlutooq	1. sept.-28. febr.	1. sept.-28. febr.	1. sept.-28. febr.	1. sept.-28. febr.
Nerleq siggukitsooq	1. sept.-30. apr.	1. sept.-30. apr.	1. sept.-30. apr.	1. sept.-31. maj
Kangoq	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Canadapnerlera	1. aug.-15. okt.	1. aug.-15. okt.	1. aug.-15. okt.	1. aug.-15. okt.
Nerlernaq	1. sept.-30. apr.	1. sept.-30. apr.	1. sept.-30. apr.	1. sept.-31. maj
Serfaq	1. sept.-31. mar.	1. sept.-31. mar.	1. sept.-31. mar.	1. sept.-31. mar.
Alleq	1. sept.-28. febr.	1. sept.-28. febr.	1. sept.-28. febr.	1. sept.-28. febr.
Tulugaq	1. jan.-31. dec.	1. jan.-31. dec.	1. jan.-31. dec.	1. jan.-31. dec.
Qaqulluk	1. sept.-31. okt.	15. aug.-31. okt.	1. sept.-31. okt.	1. sept.-31. okt.
Tuullik	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Aqisseq	1. sept.-30. apr.	1. sept.-31. maj	1. sept.-30. apr.	1. sept.-30. apr.
Naajaan-naq	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Naajaru-jussuaq	1. jan.-31. dec.	1. jan.-31. dec.	1. jan.-31. dec.	1. jan.-31. dec.
Naajarluk	1. jan.-31. dec.	1. jan.-31. dec.	1. jan.-31. dec.	1. jan.-31. dec.
Oqaatsoq	1. sept.-31. mar.	1. sept.-31. mar.	1. sept.-31. mar.	1. sept.-31. mar.

NUNAMI MILUUMASUT ALLAT

Kukiffaajuup eqqissimatitaanera pillugu Namminersornerullutik Oqartussat nalunaarutaat nr. 13, 13. september 2004-meersoq.

Kukiffaajooq Kalaallit Nunaanni eqqissimatitaalluinarpoq ukiorlu kaajallallugu piniqqusaanani.

Teriannissat illersugaanerat piniagaanerallu pillugit Namminersorlutik Oqartussat nalunaarutaat nutaaq nr. 14, 18. oktober 2019-imeersoq.

Teriannissat ukiuni tallimani misileraataasumik inuussutisarsiatugalugu imaluunniit sunngiffimmi piniarnermut allagartalinnit inoqarfuit, savaateqarfuit aamma qimuttunik

qimmeqarfii eqqaanni ukioq kaajallallugu piniarneqarsinnaapput. Tamanna Kalaallit Nunaat tamakkerlugu nuna allanngutsaaliugaq minillugu atuuppoq.

Piniarnissamut piffissaliussaq: Septembarip 16-ianiit maajip 14-iat ilanngullugu. Taamaattorli inoqarfii, savaateqarfii aamma qimuttunik qimmeqarfii eqqaanni ukioq kaajallallugu.

Sulloqqortussutsinut piunasaqaatit: Aallaasit sulloqqortussutsit akuerisat minnerpaaffiat cal. 17HMR-ivuoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfii ilaanni piniarnermut piffissaliussat atortullu pilugit malitarisassat kommunip ileqqoreqqusaatigut allaanerusinnaapput. Taamaammatt kommuni najugaqarfisat saaffigiguk.

Pisarineqartut 2015-2020	2015	2016	2017	2018	2019	2020
Katillugit	1.220	962	1.093	911	660	433

Kalaallit Nunaanni ukallit eqqissimatitaanerat pillugu Namminersornerullutik Oqartussat nalunaarutaat nr. 19, 17. maj 1989-imeersoq.

Piniarnissamut piffissaliussaq: Aggustip aallaqqaataaniit apriliip 30-iat ilanngullugu.

Sulloqqortussutsinut piunasaqaatit: Timmiarsiut, qoorortuaraq aamma qoorortoq nalinginnaasoq. Sakkut eqiinnartakkat eqittaannartakkallu atoqqusaanngillat.

Malugiuk: Kommunit/aqutsiveqarfii ilaanni piniarnermut piffissaliussat atortullu pilugit malitarisassat kommunip ileqqoreqqusaatigut allaanerusinnaapput. Taamaammatt kommuni najugaqarfisat saaffigiguk.

Pisarineqartut 2015-2020	2015	2016	2017	2018	2019	2020
Katillugit	2.265	2.402	2.092	1.527	1.583	1.233

Amaqut illersugaanerat piniagaanerallu pillugit Namminersorlutik Oqartussat nalunaarutaat nr. 33, 11. september 2020-meersoq.

Amaqut eqqissimatitaalluinnarput taamaallaallu aqutsiveqarfinni Qaanaaq aamma Ittoqqortoormiit piniarneqaqqusaallutik.

Piniarnissamut piffissaliussaq: Amaqut aqutsiveqarfinni Qaanaami aamma Ittoqqortoormiini atuuttumik inuussutissarsiutigalugu piniarnermut allagartalinnit ukioq naallugu piniarneqaqqusaapput.

Sulloqqortussutsinut piunasaqaatit: Qoorortoq minnerpaamik cal. .222 sakkortususilik. Sakkut eqiinnartakkat eqittaannartakkat atoqqusaanngillat.

Malugiuk: Amaqut Kalaallit Nunaata sinnerani eqqissimatitaapput.

Kommunimi ileqqoreqqusat

Kommunini ileqqoreqqusaliat arlaqarput piniarnermik malittarisassanit sukannerne-rusinnaasut. Taamaammat kommunimut angerlarsimaffigisannut saaffiginnig it ileqqo-reqqusat sorliit kommuninni atuunnersut paasiniaarlugit. Assersuutigalugu nunatsinni kommunit ilaanni makkununnga tunngasuni ileqqoreqqusaqarpoq: puisinniarneq, puisinut qassusersorneq, timmiarniarneq, qilalukkanut qaqortanut qernertanullu qas-susersorneq, qilalukkanut qernertanik piniarneq, arfernik pilanneq kiisalu assartuuti-tut pillugit ileqqoreqqusaliat.

NAJUKKANNI PINIARNERMUT AALAJANGERSAKKAT PILLUGIT APEQQUTIT

Najukkanni piniarnermut aalajangersakkat nalornissutigigukkit kommunimi inuussu-tissarsiornermut siunnersorti aperisinnaavat imaluunniit Aalisarnermut Piniarnermul-lu Naalackersuisoqarfimmi Piniarnermut Aallaaniarnermullu Immikkoortortaqaarfik piniakkat killilersukkat killilersugaanngitsullu pillugit aqutsineramik akisussaasuusooq.

Kommunip najugarisanni piniarnermut tunngasorpassuarnik akisuteqarfigisin-naavaatit, soorlu najukkanni piffissaliussat piniarfusut atuuttut pillugit, piniakkanut killilersukkanut akuersissummik qanoq qinnuteqartoqartarnera, piniakkanik killiler-sukkanik immikkut nalunaarsuiffiit immersorneqarnissaat allarpasuillu pillugit.

Aammattaaq nittartagaq www.sullissivik.gl aqcutigalugu piniakkanut tunngasut nalinginnaasumik paasissutissat pissarsiarineqarsinnaapput.

PINIARNERMUT ALLAGARTAMIK ATUUTILERSITSINERMI IMMINUT SULLISSINEQ

Ukiuortoortumik pisanik nalunaarsuiffik Aalisarnermut Piniarnermullu Naalackersui-soqarfimmut nassiunneqartassanngillat, kisianni illit nammineq www.sullissivik.gl aqcutigalugu imaluunniit najukkanni Sullissivimmi nalunaarutigisassavatit. Piniarner-mut allagartalersuinermit tunngasut taakku marluk aqcutigalugit iserfigisinnaavatit, tassanilu aamma piniarnermut allagartat ukiup ingerlanerani tammaassimagukku anillatseqqissinnaavat imaluunniit pdf-tut toqqorsinnaallugu. Netbank aqcutigalugu akiliisimanermit uppernarsaatip anillatseqqinnissaa eqqaamassavat.

Piniarnermut allagartamik immikkut akuerineqarnissaq pillugu qinnuteqaatit Aalisarnermut Piniarnermullu Naalackersuisoqarfup suli suliarisarpai, taakkumi illit sumiiffinni Sullissivimmiit qinnuteqaat tigusarpaat. Piniarnermut allagartat pappiaraq A4-tut angissuseqarpoq. Allakkerivimmi akiliisimaguit eqqaamallugu illit atit allaq-qasortaliup nassarnissaa. Tassa taanna akiliisimanermit uppernarsaat ilanngullugu piniarnermut allagartaasoq.